

Naggueqatigut eqqarsaatigalugit ullumikkornit qanimut pimoorunnerullugu qaninnerusumillu sutigut tamatigut qanoq suleqatiginerulersinnaanerat siunertaralugu oqallinnissamik siunnersuut.

(Inatsisartunut ilaasortaq Randi Broberg, Partii Inuit)

Akissuteqaat

(Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoq)

Naalakkersuisut siullermik Partii Inuit qutsavigerusuppaat, naggueqatitsinnik pimoorunnerullugu qaninnerusumillu qanoq suleqateqarsinnaaneq pillugu oqallinnissamik siunnersummik matuminnga saqqummiussimmat.

Kititsinni naggueqativullu assigiissuterpassuaqarnerput, naluneqanngitsutuullu immitsinnut assipalugiissorujussuunerput Naalakkersuisuni isumaqatigaarpot. Kulturikkut assigiinnik kingornussaqaarpugut, allarpassuartigullu nukittuffeqaqatigiillatalu unammilligassaaqaqtigipiippugut.

Nunat issittormiut inuinik allanik suleqateqarnitsinni Nunavumik suleqateqarnissamik isumaqatigiissut Memorandum of Understanding (MoU) ukioq 2000-imeersoq ilaavoq. Aamma MoU-mut atatillugu ilassutitut isumaqatigiissummik, ilinniartitaanerup tungaatigut suleqatigiinnerulerlernissamik periarfissiisumik 2012-imi suliaqartoqarpoq. Tassani aamma Kalaallit Nunaata Nunavullu akornanni oqaatsitigut, oqaluttuarisaanikkut kulturikkullu ataatsimoorfearneq annertusarniarneqarpoq.

MoU-imut uiggiullugu paarlaateqatigiittarnerit assigiinngitsut ingerlanneqareerput. Assersuutigalugu Kalaallit Nunaanni ilinniarneruntuunngorniarfinni rektorit tamarmik 2011-imi Iqaluit tikeraarpaat, allaffissornikkut suleqatigisat suleqatillu ilisimasanik paarlaateqatigiinnerannut atatillugu. Meeqgeriviit pillugit aamma meeqqat atuarfiat pillugu ilisimasat, ukioq 2012-imi Iqalunni ataatsimeersuarnermi Naalakkersuisut, Ilinniartitaanermut Naalakkersuisoqarfik aqqutigalugu paarlaateqatigiissutigaat.

Naalakkersuisut eqqumiitsuliortunut kulturikkullu ingerlassaqartunut ukioq 2013-imi kajumissaaripput, Nunavumut suleqatigiissuteqarnissamik aamma/imaluunniit paarlaateqatigiinnissamik pilersaarutinut 2014-ip ingerlanerani pisussanut atatillugu aningaasanik, kulturikkut sulininiutinut tunniunneqartartunik qinnuteqaaqqullugit.

Inuit inuuusuttaat ilinniartitaanerit, soorlu "Students on Ice"-itut ittut aqqutigalugit imminnut naapinnissaminnut periarfissaqarput, tassani inuuusuttut Kalaallit Nunaanneersut aamma/imaluunniit Nunanit issittormiunit allaneersut ukiut tamaasa atuartutigineqartarput. Aamma inuit inuuusuttaat timersornerup silarsuaani imminnut naapittarput. Kalaallit timersortartut Arctic Winter Gamesimi (AWG) aamma "Inuit games" (Inuit timersuutaanni) peqataasarpot.

Inuit Issittormiut Kattuffiat, Inuit Circumpolar Conference (ICC), naluneqanngitsutuut Nunat issittormiut ataatsimut soqutigisaat pillugit sulivoq. Suleqatigiinneq paarlaateqatigiinnerluunniit *iminut tikilluni naapinnikut* piuaannartariaqanngilaq; aamma internet aqqutigalugu attaveqaqtigitiitoqarsinnaalluniluunniit paarlaateqatigiittooqarsinnaavoq.

Aamma suliniuteqarnerit pisortat tungaanniit tamatigut pisariaqannginnerat Naalakkersuisut eqqaasitsissutigerusuppaat. Peqatigiiffit inuussutissarsiutinilluunniit ingerlataqartut namminneerlutik suliniuteqarsinnaaneri qujarunnassaqaat. Ataatsimoorullugit suliniuteqarfiusinnaasut ineriartorteqqinnejarnissaat Naalakkersuisut eqqummaariffigaat.

Taamatut oqaaseqarlunga Inatsisartut oqallilluarnissaannik kissaappakka.